

ԽԱՐԱԿԱՆԵՐ ՈՒՍՏԵՐ. ԹՎԵՐ. ԴԵՊՔԵՐ...

Մանչեստրի կենդանաբանական այգու դիրեկցիան Ուոլկոթեն բաղադրի աշակերտուհիներին մի նամակ ստացավ:

— Որքան է միջին մեծության փղի կշիռը, ինչպիսին է նրա ոտքի զրաված տարածությունը,— հարցնում էին դպրոցականները:

Նրանք ստացան անհրաժեշտ տեղեկություններ. դրանց հիման վրա աղջիկները հաշվեցին, որ մոդայիկ «մեխ»-կրունկը գետնի վրա 50 անգամ ավելի մեծ ճնշում է գործադրում, քան փիղը, եթե նա նույնիսկ կանգնի մեկ ոտքի վրա:



«Իվուր են կարծում, թե կնոջ ոտքի կազմությունն այնպիսին է, որ նրա մեծ մատը մեջտեղում է աճում, իսկ կողքերին՝ երկու փոքրերը».— այսպես է ասել Նորածն սրաքիթ կոշիկների մասին մի անգլիացի բժիշկ:

Մեծ Բրիտանիայի բժշկական ասոցիացիայի կոնֆերանսում միաձայն որոշում ընդունվեց, որը կառավարությանը կոչ էր անում միջոցներ ձեռնարկել չափազանց սրաքիթ կանացի կոշիկների արտադրության և վաճառքի դեմ:

Երկնագույն վա՛րդ. այո, և դա ռոմանտիկների ու ֆանտաստ գրողների հնարանքը չէ: Հիմա այն աճում է Ռումինիայում, Սև ծովի ափին: Երկարատև ու համառ աշխատանքից հետո այգեգործներին հաջողվեց հատուկ ծաղկանոցներում ստանալ այդ վարմանայի ծաղիկը:

Հունգարական գիտությունների ակադեմիայի անցկացրած հետազոտությունները ցույց տվեցին, որ մարդը խոսակցության վրա օրական միջին հաշվով կորցնում է մեկ ժամ: Վաթսուն տարվա ընթացքում դա կկազմի մոտ... երկու և կես տարվա անընդմեջ խոսակցություն:

Եթե հնարավոր լիներ հրապարակել այն ամենը, ինչ մարդ խոսում է վաթսուն տարվա ընթացքում, ապա կառաջանար հավար հատորանոց մի գրադարան, որի ամեն մի հատորը բաղկացած կլիներ 500 էջից:

Եվեյցարիայի հարավում գտնվող Ինսերենոս գյուղակի բնակիչները տեղի դուրս գալիս իրենց հետ անալայման մի խնձոր են վերցնում: Դա նրանց պաշտպանում է իշալձյամի հետ անախորժ հանդիպումից:

Բանն այն է, որ անցյալ աշնանը գյուղակի բնակիչները իրենց այգիներից խնձորի առատ բերք էին ստացել և դրանով կերակրել էին իշալձյամներին: Բայց զարնան կողմը խնձորի պաշարը սպառվեց, իսկ կենդանիներն առաջվա պես տուրք էին պահանջում համարյա բոլոր նրանցից, ովքեր դուրս էին գալիս գյուղի շրջակայքից:

Ֆրանսիական ժամացույցի մի ֆիրմա թողարկել է պարզ Վարթեցույցի: Զանգի ժամանակ այն թռչկոտում է սեղանին և քնածի վրա լցնում օծանելիք կամ բթախոտ: Եթե քնածն այնուամենայնիվ չի արթնանում, Վարթեցույցիը սկսում է «դուփել» ոտքերով, որը ննջարանում հնչում է որպես օտար մարդու ոտնածայն:

Վաթսուն տարի առաջ Ֆրանսիացի Օնորե Պեդրեն պատահաբար նկատեց, որ թելից կախված փոքրիկ բարը գեղեցիկ հնչյուն է արձակում: Այն ժամանակ նա վճռեց հավաքել այնքան բարեր, որ հնչեն երկու օկտավայի սահմաններում:

Բեդրեն 30 տարի նվիրեց երաժշտական բարեր փնտրելուն: Նրա հավաքած «լարերը» իրենց ձևով, չափով և գույնով տարբեր են:

«Բարե» դաշնամուրը բավական գրավիչ տեսք ունի: Մետաղե կորպուսի մեջ, մետաքսե թելերից կախված են գույնզգույն բարեր: Հատուկ փոքրիկ կայծքարով վարկում են այդ կախովի ստեղծերին: Ըստ որում հարկավոր է ճիշտ իմանալ հարվածի տեղը, որովհետև միևնույն բարը կարող է տարբեր հնչյուններ արձակել:


Պեդրեն իր ստեղծած գործիքով կատարում է և՛ պարզ ժողովրդական մեղեդիներ, և՛ բարդ դասական ստեղծագործություններ:

Վեներանիների և բուլսերի մեծ մասի մոտ լավ վարձացած է ժամանակի զգացումը: Գիտնականներն այդ հատկությունն անվանում են «բիոլոգիական ժամացույց», բայց դրանից նրանց մեխանիզմն ավելի պարզ չի դառնում: Այդպիսի ժամացույցներ նույնիսկ բակտերիաներն ունեն: Բիոլոգիական ժամացույցի տիրոջ կլասիկ օրինակը աքաղաղն է: Իսկ ավստրալիական ալկիոն թռչունի քրքիջով կարելի է ժամացույցները ստուգել այնպես, ինչպես ճշգրիտ ժամանակի ռադիո-ապղանշաններով: (Ի միջի այլոց կուկաբառայի ճիշդ ավստրալիական ռադիոյի ապղանշաններն են):

Թե որքան քիչ հաճույք կարող է պատճառել մարդուն ինչ-որ մեկին նմանակ լինելը, շատ լավ զգացել է լոնդոնցի ոմն Զիլ Պրովենտը: Ոստի-



կանությունը 38 անգամ ձերբակալել ու ապառ է արձակել նրան. պատճառն այն է, որ վերջինս պարմանալիորեն նման է եղել մի հանցագործի:




Անգլիական Նորիջ քաղաքի հանրային գրադարանի դիրեկցիան գրեթե ժամկետին չվերադարձնող բաժանորդներին հայտարարեց, որ նրանք ապառվում են տուգանքից: Եվ ահա ընթերցողներից մեկը ներկայանում է գրադարան և առաջարկում ընդունել իր «պարտքը»: Բեռնատար ավտոմեքենայով գրադարան է բերվում 299 կտոր գիրք, որոնք «մոռացկոտ» ընթերցողի կողմից հավաքվել էին 14 տարվա ընթացքում...

Ամերիկացի ինժեներ Տրուպեանոն առաջարկել է ջերմոցների նոր նախագիծ, որոնք չունեն... տանիք: Վերջինիս փոխարինում էր արհեստական մշուշը, որն առաջանում էր գոլորշիով ջերմացված ածուների վրա ջուր շաղ տալուց: Մի անգամ սարքի փորձարկման ժամանակ շոգեկաթսան փչացավ, և խողովակներում գոլորշու փոխարեն ջուր առաջացավ: Ածուների վրա ձյուն տեղաց: Բայց հնարամիտ Տրուպեանոն այստեղ էլ իրեն չկորցրեց. նա անմիջապես հեղինակային իրավունք պահանջեց ձյուն արտադրելու համար...



Ֆրանսիական օրենքով կինը կարող է մեքենա վարել միայն այն դեպքում, եթե նրա հագի կոշիկները ցածրակրունկ են: Իսկ եթե հանկարծ ավտովարորդի տեղը զրավում է նորաձևության մի սիրահար՝ բարձրակրունկ «մեխ» կոշիկներով, ապա ավտոմատ սարքը անմիջապես անջատում է շարժիչը:



Կանգաս-Սիտիում նոր լվացքատան սեփականատերերը որոշելով իրենց հիմնարկության համար բարի համբավ վաստակել, հենց առաջին պատվիրատուին հանդիսավորապես հանձնեցին մի փաստաթուղթ, որը նրան իրավունք էր տալիս մինչև կյանքի վերջն անվճար լվացման տալու իր և իր տնեցիների սպիտակեղենը: Բայց պարզվեց, որ այդ պատվիրատուն հարևան պանսիոնատի կառավարիչն է, որտեղ ապրում է 1220 աշակերտ:

Սրտի յուրաքանչյուր տրոփույնի հետ մարդը, Երկրի հետ միասին, տիեզերական տարածության մեջ տեղաշարժվում է մոտ 30 կիլոմետր:



Նյու-Յորքի Սեմյուել Սկոտը օրիգինալ ծնով է լուծել 24-ժամյա աշխատանքի պրոբլեմը: Սկոտն աշխատում է Բրոդվեյում որպես գիշերային պահակ, իսկ ցերեկը քնում է... կահույքի խանութներից մեկի ցուցափեղկում՝ որպես մահճակալներ ռեկլամող:

Անգլիական Նորֆոլկ կոմսության ծովափնյա մասում մակընթացությունը հաճախ փոկերին իրենց ձագերի հետ ափ է շարտում: Տեղատվության ժամանակ փոքրիկները հաճախ չեն կարողանում ծնողների հետ ծով վերադառնալ և մնում են ցամաքում: Ահա այդ ժամանակ նրանց օգնության են գալիս մարդիկ: Սնետտիսհեյմ ծովափնյա փոքրիկ բաղաքի բնակիչները նրանց տանում են տուն և մի բանի շաբաթ շարունակ կերակրում ձկան լուրի, կաթի և լյարդի խառնուրդով: Երբ փոկերը մեծանում և կարողանում են ինքնուրույն կերպով սնունդ հայթայթել, նրանց նորից բաց են թողնում ծով:

Լուս-Անջելոսի դատարանի շենքը պահպանող ոստիկաններին կարմացրել էր չղջիկների չափահանցող տարօրինակ վարքը: Այդ գիշերային կենդանիները, որ ապրում էին շենքի ձեղնահարկում, օրը ցերեկով դեսուդեն էին նետվում բաղաքի փողոցներում: Պարզվեց, որ նրանց ցերեկային ճանապարհորդությունը սկսվել է այն բանից հետո, երբ շենքի սենյակներից մեկում դրվել է մաքսանենգներից բռնադրված մարիխուան թմրադեղը: Չղջիկները թափանցել էին այնտեղ, համտեսել այն և դադարել էին ցերեկը տարբերել գիշերվանից: